

又名之曰仙佛同源又作金丹難問等書
行於世已已之秋寓衡陽以金丹妙道悉
付上陽子六月十八日生

上陽子金丹大要列仙誌

上陽子金丹大要仙派

夫五

仙派

太極先天老子

妙無天帝太極之初出生三炁為玄元始

始炁化生先天老子自爾以來先天老子

乃以玄炁時時而下生

萬法天師

有古大先生

鬱華子

大成子

廣成子

隨應子

赤精子

鍊園子

務成子

尹壽子

真行子

錫則子

古邑先生

錢鏗

商容

先天老子雖世世化度而未顯誕生之迹

乃於商十八王陽甲時寄胎于玄妙玉女

身中八十八年方生武丁庚辰歲二月十

五日卯時降誕指李為姓也

後聖玄元太上老子

東華紫府輔元立極大帝

正陽開悟傳道帝君鍾離權

純陽警化孚佑帝君呂巖

海蟾弘道純佑帝君劉操

靈陽全真開化帝君王壽

丹陽抱一無為真君馬鈺

長真雲水蘊德真君譚處端

長春演道主教真君丘處機

廣寧通玄太古真君郝大通

玉陽體玄廣度真君王處一

清淨淵貞順德真君孫不二

黃房公披雲德光真人宋有道

太虛栖真雙玉真人李珣

祖師紫瓊子張模字君範

緣督子趙友欽

上陽子陳致虛

鍾呂二仙慶誕儀

序班 法事 洒淨 行香

恭聞時維四月宜首夏之清和卦滿六陽喜純乾之中正際聖師誕生之旦申後人朝賀之誠清衆同聲香花奉請

舉香花請三聲

謹拜請

先天道祖太上老君三教得道先聖仙師

文始天尊尹先生

太極杜真人

太清宋真人

玄洲姚真人

太微尹真人

西嶽李仙卿

安期生真人

陰長生真人

魏伯陽真人

三天大法師

左玄王真人

太極葛仙翁

太和尹真人

泰清彭真人

西嶽馮真人

八素周真人

黃庭王真人

河上公丈人

馬明生真人

徐從事真人

劉金碧真人

玄中大法師

右玄趙真人

九州都仙太史

吳黃十一位真人

謹拜請

恭望仙慈降臨醮座

祖師東華紫府輔元立極大帝

鍾離正陽開悟傳道垂教帝君

純陽演正警化孚佑帝君

海蟾明悟弘道純佑帝君

重陽全真開化輔極帝君恭望

仙慈降臨醮座

謹拜請

祖師丹陽抱一無為普化真君

長真雲水凝神玄靜慈德真君

長生輔化宗玄明德真君

長春演道全德神化明應真君

廣寧通玄妙極太古真君

玉陽體玄廣慈普度真君

清淨淵貞玄虛順化元君恭望

仙慈降臨醮座

謹拜請

天台悟真紫陽真人

道炁紫賢真人

翠玄杏林真人

泥丸翠虛真人

海南紫清真人

謹拜請

恭望仙慈降臨醮座

祖師黃房公披雲宋真人

太虛李真人

度師緣督趙真人

古往今來修真學仙得道一切聖賢恭望

仙慈降臨醮座

向伸啓請諒辱光臨仰冀迂留納茲敬啟今

遇純陽之瑞旦庸申朝賀之愚忱

夫燭者一點靈光古今不少十方世界幽顯

皆通不知者以為火傳其知者是云性慧使

闔室萌心而知懼返照迴光信天堂有路而

可登超凡入聖再拜上進壽燭

法事

夫香者與從太古之初一枝挺出莫待三皇

之後幾劫流芳下愚有鼻而無聞上士聞香

而分長如聖師之捨土處處芬芳以道德而

強名人人受用再拜上進壽香

夫茶者先春雀舌穀雨鎗斫對鱗眼湯白花

浮於椀面酌龍泉水仙風引於蓬萊盧仝六

枕而通仙靈趙州一既而參佛性提性瞋睡
漢發明矇矓仙再拜進茶

夫酒者天垂甘露地湧醴泉上味醍醐飲者
常醒而不醉聖人糟粕得之以有而歸無一
口吸西江容顏不老三五通大道法體長存

再拜上進壽酒法事

諷心印經 三十品功德經

具有稱賀表文謹當跪奏

鍾離組師賀表

大道弟子某今月十五日恭逢

組師鍾離正陽帝君毓瑞之辰預向今辰十

四日謹奉表稱賀者

右伏以道尊德貴仰萬代之師繩陰盡陽純
際高仙之壽且月圓天上瑞藹人間某頓首
再拜恭惟

組師鍾離正陽開悟傳道垂教帝君自本自
根先天先地把乾坤為鼎器鍊坎還離投烏
兔為藥材降龍伏虎道超太極恩溥群生劫
劫長存人人受度由純陽海蟾重陽繼授之
後列聖心心暨丹陽長春紫陽接濟以來為

泉父父功非言辭之可頌仁與造化之相伴
其凡骨未盡真心於道幸蒙師首玄批乃天
地之根詳在丹書精氣是陰陽之本華池神
水號曰乾金土釜流珠是名木汞兩弦合體
十月懷胎所切者妙用靈時最難者真靜應

物況首經至寶言之甚危而雄虎寡情為之
深恐因朝賀并述危難仰冀慈悲俯憐微
賤與安身於方便俾入室以無魔仙家日月

長又何待塵凡之祝頌他年功行滿全依師
匠之陶成次期上士賢良俱明至道速愚誰

誕悔發信心酥酪成河醴酬灌頂土皆碧玉
地遍黃金千冒師真不勝戰汗謹具表稱賀
以聞某誠懽誠抃頓首稽首再拜謹言

年 月 日大道弟子某賀表

純陽組師賀壽表

大道弟子某今月十四日恭遇

組師純陽帝君降誕令辰謹具表恭伸朝賀
者右伏以節屆純陽月先圓於此夜天鍾元
氣行已滿於多年宇宙騰惟仙凡稱壽某頓
首再拜恭惟

組師純陽演正警化孚佑帝君道高千古瑞
粹群靈內觀其心外觀其形故得全形之奧
有以觀窳無以觀妙咸歸泉妙之門托水源
之至清鍊金丹而早乾青蛇袖裏過洞庭而
朗吟黃鶴樓前隱市塵而吹笛戲執中而一

化仙女為圖南而巽到華山跨青牛而入洞
天騎白鹿而過滄海高證帝君之位功亘古

而且今廣傳道德之真派自南而自北公欲
濟世而人不識我欲求公而緣未諧伏念某

莫明玄批之旨歸幸遇真師之盟授乃悟道
非言顯方知事屬心傳當求八兩之乾金先

明賓主仍運半斤之木汞配合陰陽煉做一
團守成十月靜聽龍吟而虎嘯毋使水乾而

火寒得止於斯為之甚恐忙忙罔措汲汲忘
餐倘蒙慈憫而獲飲刀圭活此衰殘而熟知

大候雖無可報所恃好生靈幸際於昌時且
忻逢於瑞旦敢陳凡悃遙拜仙丰諒壽居天

上之糾司想垂憐於末學雖不假人間之祝
頌因以訴於衷情冀陰相於凡軀俾早拔於
物藥採首經之至寶內外不慙煉一氣之先

天始終盡善更無魔障會見心靈便下手以
速修夫誰不願與安身於方便作事易成次
期上士賢良俱明至道 與前同

具有證盟文疏恭對教宣

大道弟子某 今月十四日恭逢

祖師純陽帝君瑞誕令辰十五日恭逢
祖師正陽帝君瑞誕令辰謹備香燭以今辰
十四日具表同申朝賀茲已周圓仰蒙高仙
衆聖同賜印盟虔貢精財敬彈返謝祈保學
道無魔修仙有分仰干慈憫陰佑危難俾入
室而功成不差大仗早脫胎而神化高揖仙
班次期上士賢良俱明至道速愚誑誕悔發
信心酥酪成河醞醑灌頂土皆碧玉地遍黃
金千冒師嚴敷宣罔既右謹具疏頌首拜上
先天道祖太上老君

三教得道先聖仙師

文始天尊尹先生 如前請神位伏列寫無增減

送神文

向來情悃冒瀆聰明仰冀矜原廣開接引屈
仙旆而來降於塵寰凌兢罔措返真存而復

歸於蓬島攀戀惟勤茲當拜送之期負此虛
居之愧伏聞獨自行獨自坐姓名還動帝王
心無人會無人知詩句喧傳卿相耳凡夫肉
眼知多少金丹一粒定長生這回相見不無
緣衷情欲訴舉世盡皆尋此道此事難知下

手速修猶太遲世間誰是能行者此身已出
三千界昔高贈於張僧許我同遊五帝鄉今
願於凡骨莫道凡流空命薄乞與貧儒換
骨丹真人已在玉清遊劍橫雙水岸先生去
後應難老身在大羅天來無影去無蹤糾司
天上神仙籍聽不聞視不見臣事玉皇歸奉
清冒瀆惟深一心拜送

上陽子金丹大要仙派

原陽子法語卷上

夫六

後 儀 趙 宜 真 撰
門人 章 貢 劉 淵 然 編 集

還丹金液歌并敘

唯道集虛本無二致而修鍊有內丹外丹之分
者緣過不同功用少異而造道則一也所謂內
者自性法身本來具足不假於外自然之真
其進修之功則攝情歸性攝性還元有為之
為出於無為無證之證所以實證胎圓神化
脫體登真訣曰一靈真性號金丹四假為爐
鍊作元是為真為玄又名內丹也所謂外
者幻假色身未免敗壞必資外藥點化成真其
服鍊之功則取日月之精華奪乾坤之造化
刀圭入口情慾頓消骨肉都融形神俱妙白
日冲舉上賓玉清訣曰木液本自丹砂出金鍊
木液還丹體丹復化金金而液之是為還丹
為金液又名外丹也曰內曰外又各有內外之
說攝情歸性本之於外攝性還元本之於內
性寂情空則非動非靜更無內外矣此內丹
之所謂內外也內存木液以為粗外假真鉛